


**JU DOM ZDRAVLJA
KANTONA SARAJEVO
GENERALNI DIREKTOR**

Broj: 0103-4219-2/19

Datum: 23-04-2019

Sarjevo, Vrazova 11



**BOSNA I HERCEGOVINA
FEDERACIJA BOSNE I HERCEGOVINE
SKUPŠTINA KANTONA SARAJEVO
Sarajevo, Reisa Džemaludina Čauševića 1**

n/r Elmedin Konaković, predsjedavajući Skupštine Kantona Sarajevo

**PREDMET: Odgovor na inicijativu zastupnice Admele Hodžić
- veza Vaš akt br. 01-05-8345-12/19, od 27.03.2019 godine -**

Dana 02.04.2019 godine zaprimili smo dopis br. 01-05-8345-12/19 od 27.03.2019. godine u kojem tražite odgovor na zastupničko pitanje zastupnice Admele Hodžić, te Vas u skladu sa navedenim obavještavamo o sljedećem:

1. JU Dom zdravlja Kantona Sarajevo u skladu sa smjernicama Ministarstva zdravstva Kantona Sarajevo i Ministarstva sigurnosti BiH, a na osnovu potpisanih Ugovora sa međunarodnom organizacijom Dansko vijeće za izbjeglice pruža zdravstvenu zaštitu migrantima na lokalitetu Prihvatnog centra Ušivak, te pruža sve usluge ugroženoj populaciji migranata primarnog i specijalističkog nivoa u svojim centralnim objektima. U skladu sa naprijed navedenim Ugovorima JU Dom zdravlja Kantona Sarajevo se uredno refundiraju nastali troškovi prilikom pružanja usluga, kako za materijane troškove, tako i za timove koji borave na navedenom lokalitetu. Posebno vodimo računa da prilikom pružanja zdravstvene zaštite ne ugrozimo kontinuiranu zdravstvenu zaštitu našim građanima. Ipak, ovdje moramo napomenuti da zdravstvenu zaštitu migrantima pružaju i druge zdravstvene ustanove iz Kantona Sarajevo prije svih Zavod za hitnu medicinsku pomoć, Opća bolnica Abdulah Nakaš Sarajevo i KCUS. U svim drugim kantonima, a gdje postoji potreba za zdravstvenom zaštitom migranata, pružaju je javno zdravstvene ustanove u skladu sa potpisanim Ugovorima. Smtaramo na osnovu dosadašnjih iskustava da je nemoguće dopustiti da se zdravstvena zaštita navedenoj populaciji pruža parcijalno i da je obavljaju timovi iz privatnih praksi ograničenog kapaciteta. Pružanje zdravstvene zaštite migrantima kojih na lokalitetu Prihvatnog centra Ušivak ima u prosjeku 400 svakodnevno sa velikim

stepenom kretanja istih, odnosno trajnog napuštanja i dolazaka novih migranata moguće je organizovati samo sistemskim pristupom jer problem migranata nije samo problem prihvatnog centra Ušivak nego cijelog Kantona Sarajevo. Dobrim organizovanjem zdravstvene zaštite na lokalitetu Prihvatnog centra Ušivak umanjuje se potencijalna mogućnost širenja raznih vidova zaraznih i drugih bolesti o čemu se mora voditi računa s obzirom da se radi o ugroženoj populaciji koja je već duži vremenski period u kretanju bez stalnog prebivališta i smještaja, te su samom tom činjenicom svrstani u visoko rizične osobe u smislu širenja zaraznih bolesti. Organizovanjem pružanja zdravstvene zaštite migrantima na lokalitetu Ušivak smanjen je broj posjeta migranata našim objektima u Kantonu Sarajevo, koji su prije bez ikakvog zdravstvenog nadzora dolazili i tražili zdravstvenu zaštitu boraveći u istim prostorijama, odnosno čekaonicama sa drugim pacijentima bez prethodno utvrđenog zdravstvenog stanja osoba koje nemaju kod sebe nikakvu medicinsku dokumentaciju. Uvođenjem stalnog pružanja zdravstvene zaštite na lokalitetu Prihvatnog centra Ušivak utvrđena je procedura da se prilikom dolaska novih migranata vrši medicinski skrining svih migranata prilikom čega se stiče jasna slika o zdravstvenom stanju populacije koja se kreće na teritoriji cijelog Kantona Sarajevo. JU Dom zdravlja Kantona Sarajevo nema nikakav poslovni i finansijski interes u smislu ostavriavanja profita prilikom pružanja zdravstvene zaštite migrantima, ali smatramo da je odgovornost svih nas pomoći i uključite se u navedene procese s obzirom da se radi o situaciji koja može uticati na sveukupno javno zdravlje u Kantonu Sarajevo, te se mora uspostaviti još kvalitetniji sistem nadzora zdravstvenog stanja navedenih osoba isključivo kroz rad javno – zdravstvenih ustanove jer niko drugi pritom misleći na privatne prakse nema kapacitete da iznese trenutni problem.

2. Sistem naručivanja pacijenata kod ljekara porodične medicine se vrši u skladu sa principima porodične medicine, obzirom da sistem naručivanja nije regulisan zakonom.
3. Ambulanta porodične/obiteljske medicine Binježevo radi 3 dana u sedmici i to ponedjeljak i petak u I smjeni, a utorak u II smjeni. U ambulanti Binježevo je 962 registrovanih kartona, a normativ za puni tim je 1800.
4. Termini kod interniste u DZ Hadžići su popunjeni do 05.06.2019.godine, a termini za dalje narudžbe su otvoreni i dostupni. Napominjemo da se svi hitni slučajevi, kao i pacijenti koji se pripremaju za operativne zahvate primaju odmah. Trenutno u OJ DZ Hadžići internista radi tri dana u sedmici, a nadamo se da ćemo u skorije vrijeme biti u mogućnosti uputiti još jednog internistu koji će jednom sedmično odlaziti u DZ Hadžići, te će se u tom slučaju dodatno smanjiti dužina čekanja kod interniste. Također ističemo da prema normativu na jedan tim interne medicine (jedan doktor specijalista interne medicine i jedna medicinska sestra-tehničar) ide 40.000 osiguranih osoba/stanovnika.

5. Glavni razlog dužeg čekanja na oftalmološki pregled u DZ Hadžići je posljedica toga što je doktor koji je radio u navedenoj ambulanti puno radno vrijeme, tj. pet dana sedmično, prije godinu dana dao otkaz, te od tada dva puta sedmično dolaze doktori iz drugih Organizacionih jedinica kako bi se nastavilo sa pružanjem usluge građanima. Napominjemo da se svi hitni pacijenti iz DZ Hadžići mogu javiti u bilo koju Organizacionu jedinicu JU Dom zdravlja Kantona Sarajevo, a u OJ DZ Ilidža svakodnevno se pregleda određeni broj pacijenata. Također ističemo da prema normativu na jedan tim oftalmologije (jedan doktor specijalista oftalmologije i jedna medicinska sestra-tehničar) ide 35.000 osiguranih osoba/stanovnika.

6. Vezano za pitanje čekanje na pregled kod neurologa najprije je potrebno istaći da već 9 mjeseci u JU Dom zdravlja Kantona Sarajevo radi samo 5 neurologa, istovremeno doktora navedene specijalnosti nema na tržištu rada, a također napominjemo da prema normativu na 80.000 osiguranih stanovnika spada jedan specijalistički tim (jedan doktor specijalista neuropsihijatar i jedna medicinska sestra-tehničar). Također moramo naglasiti da u slučaju neuroloških pacijenata ne možemo gledati samo broj pacijenata jer su neurološki kazusi teški, opširni, često se isprepliće i više patologije, imaju jako puno obimne medicinske dokumentacije, često psihijatrijski komorbiditet tako da treba vremena za pregledati nalaze, pacijenta, uzeti validnu anamnezu kako bi se uz kvalitetan rad pružila kvalitetna usluga pacijentu. Pacijenti za pelene i pacijenti koji su na bolovanju i trebaju na bilo koju komisiju se primaju odmah bez narudžbe.

Angažovanjem dodatnog medicinskog kadra, tamo gdje je to moguće, uz olakšan način za upošljavanje, u smislu stavljanja van snage moratorija Vlade na zapošljavanje barem za doktore specijaliste koji su deficitaran kadar na tržištu rada, kao i izmjenom normativa, te u dugoročnom smislu sveobuhvatnijim planiranjem specijalizacija, uz planirana finansijska sredstva za specijalizacije, dogoročno bi se riješili navedeni problemi i pružila još kvalitetnija usluga građanima Kantona Sarajevo.

S poštovanjem,

GENERALNI DIREKTOR
Mr. sci. prim. dr. Fuad Husić
Specijalistične medicine



DOSTAVITI:

- Naslovu
- a/a

